

四庫全書

集部

欽定四庫全書

松桂堂全集卷十四

吏部侍郎彭孫通撰

南湖送郭臯旭遊京師

清明三月雨初晴倚棹南湖獨送行
春草多情將遠思林鶯求友作新聲
青雲並載誰元禮白社相逢定子荆
我亦薄遊向京洛雞栖十載媿無成

露筋祠

古祠垂柳下寂寂枕湖濱黃絹誰題字清波自照人斜
陽虛幌肅芳樹舊柯春過客空捐珮雲衣不可親

清江客店為阮亭題畫

夜來霜信入吳楓幾點寒山望欲空獨倚江亭對秋水
詩情多在葉聲中

論詩官閣盡深杯一別江天首重回更理清吟坐殘夜
小窗風雨落燈煤

宿遷客舍作

繫馬長堤草似煙黃爐重問濁河邊孤城自枕桃花水
遲日難消穀雨天逆旅光陰為客老多情酒盞向人妍
不知避席緣何事湖海逃名已十年

蒙陰道中

十日馳驅道上塵山城聊此脫征輪春陰難遣惟高枕
越燕相看是故人垂柳當風青旂旋晚山無際碧嶙峋
明朝更發齊東境待入徂徠訪隱淪

戲作人名詩二首

夕陽城下亂春流，繫艇槐陰識舊遊。
山郭解攜成遠別，雲林回首見孤舟。
當風弱柳渾如睡，落月空江總是愁。
往事王孫休更問，采簫何日不三秋。

陽城

陰識

郭解

林回

柳渾

江總

孫休

蕭何

風景春來不自持，春江萬里寄相思。
秦溪漱石堪同隱，茂苑論心又幾時。
蕙幌空張蒼蘚合，松雲將暝碧天垂。
繁英一謝重門閉，腸斷垂楊館別離。

景春

江萬里

石堪

苑

論

張蒼

雲將

謝重

楊館

漫河客舍

一從南浦聽驪歌
芳草王孫客路多
腸斷漫河楊柳色
綠陰冉冉似春波

白溝河

白溝楊柳綠毵毵
草長沙堤水滿潭
正是客情難遣處
暄萋風日似江南

次阮亭壁間韻

茂陵詞客倦遊人
幾度留題迹尚新
莫向春風重惆悵

落花飛絮是前塵

琉璃河

十載風塵媿滯淫
琉璃河畔復相尋
東山心事蹉跎久
捉鼻空為洛下吟

送王子側登第歸覲

何意辭京國東歸不計程
定知晨省切非慕晝遊榮
雲嶺飛偏白蘭陔採更清
莫耽林壑臥捧檄古人情

過迎鑾鎮與亡友吳爾世別處

折柳城陰暮迎鑾事遠征故人今宿草此地舊班荆薄
暮青山合微風綠漲平斜陽芳樹外悵悵亂啼鶯

午日承恩寺樓飲

已作江南客仍為逆旅身試沽白下酒一浣素衣塵雨
色朝生暝鐘聲寒近人愁中思千里此去有芳尊

承恩寺樓同蘧非雨宿

薊北初歸已倦遊長干風雨惜淹留對床共話年來事
愁絕承恩古寺樓

旭曙枉札訂新安之遊賦答

南湖迢遞眇愁予一摘瑤華感索居庭樹自傷生意盡
山郵長愧故人踈紫芝白嶽堪行樂秋水清溪好釣魚
五兩芒鞋三尺艇不妨同此結精廬

咏美人蕉子數珠

晨昏十萬禮金仙淨土誰知在綠天洗盡紅衣珠自現
修來白社果初圓轉時已悟空花障拈出重思入定年
持此定當持慧業不須柏子問因緣

秋夜偶吟

長河斜曳晚雲收
候入清商玉露浮
駐景何能成大藥
憂時空自望西疇
吟懷衰退猶餘暑
宦興蕭涼不待秋
獨有報恩心未冷
芒鞋因滯沃洲遊

秋來猶覺困炎蒸
暑散空堂氣未澄
夜色星河流大火
露華仙掌湛高層
殘暑一劫堪成笑
敝帚千金可自矜
早晚粗酬婚嫁畢
便攜瓢笠訪南能

宿南湖客樓以疾不及訪旭曙悵然作

湖上風吹綠滿林
憑欄商氣入蕭森
高樓雨過延秋暝
遠水帆迴卸晚陰
多病自驚吟骨瘦
澆愁不厭酒杯深
故人近在城西舍
乘興行當更一尋

南湖秋興

新寒八月透荷裳
蘭杜參差悴不芳
少伯湖陰秋渺渺
冷仙祠樹曉蒼蒼
山河隔世情如昨
風雨懷人夢亦涼
便合棲心遊物外
此生何處白雲鄉

放舟南湖同墨樵朗倩夜發

舟中隱几坐蕭條，賴有賓朋慰寂寥。
吹律清商聲自應，乘時白帝氣初驕。
寒林遠帶裴休宅，秋水平添陸贄橋。
欲上南樓同待月，西風何處送歸橈。

中秋夜出中庭翫月作

梧子垂簾葉半黃，蓂蓂夕吹滿山堂。
殘河曳練秋如水，涼月生衣露有光。
寒汐自通空外響，木犀不隔靜中香。
嚴更莫問如何夜，欲發清吟境已忘。

八月十六日病中作

高臥西窗疾未平不因沉頓困朝醒幽蘭入佩秋香冷
小簟生涼午夢清蝸角漫思無妄福鼠肝真覺有涯生
觀濤舊約成孤負海月今宵只自明

久將姓氏謝山公抱瑟終年計未工萬事浮雲高枕外
數聲長笛倚樓中觀心已識形多幻遣病深知靜有功
欲掇瑤英寄天末衡湘南去有征鴻

送徐仲璘使畢赴靜江任兼寄飛鵝

使車南返越江潯唱罷驪歌思不禁雁過衡陽多斷影

花開桂嶺早成林故山千里雲為夢薄宦三年水是心
若到昭潭深致訊懷人孤抱入秋深

張明府舟中題贈

蒹葭蒼蒼楓葉紫綠蘋千頃波如綺公餘愛此秋泛美
越水吳山生眼底木蘭一擊明鏡開灑然人在冰壺裏
榜師津吏寂無聲白鷺沙鷗眠不起于茲高詠謝籌牒
時復褰簾坐隱几博山香細繞鳴琴寒玉枰清閒落子
扣舷四顧塵慮屏一卷南華對秋水不須更賦石門泉

爭識使君心似此

贈王允諧太守

含香清譽滿持節

主恩新地是秦封古官如漢吏循山川供坐嘯梅柳照
行春料得心如水衙齋不厭貧

湖光生臥閣城闕已秋風花發褰帷外香清畫戟中鞭
蒲人自理岐麥歲初豐吏治當今切深知潁渤功

晚泊弄珠樓下乘月放舟入泖口

長虹樓閣俯清川
漱澗中分片月妍
孤蚌寒光含澤媚
九龍深夜抱珠眠
行依魚火星生留
泊近蘆花雪滿船
不遠三江風物美
鱸魚初熟早霜天

桂花天氣木蘭舟
物外招尋夜色幽
往事空餘陵谷恨
寒波不斷古今流
碧雲無際川如練
白露當空月滿樓
欲採明珠弄秋水
直疑身作洛川遊

當湖道中

八月蓼風和湖光
淨綺羅同遊雲散
盡舊迹陸沈多秋

水人何處寒潮夕自波滄洲待明發鼓柁問漁簑
夕眺高樓上林暉竟日清獨山秋戍冷三泖暮潮生漁
火中流見鷗波永夜明蘭橈須小住烟月正多情

秋夜有感

秋色渺無際新涼上縠巾可憐今夜月曾照去年人冷
露流清桂微風靜白蘋生憎蛩語切偏向枕邊頻

飲范文九池亭

偶此幽期愜重尋物外遊林光清入座池水淡宜秋苔

竹多深秀壺觴有勸酬相從堪作達何必喚三騶
秋來池館上林水澹參差竹帙含清氣梧琴弄晚颼
鯖饒俊味觴政占庾辭莫問如何夜留髡送客時

贈錢尋千

高齋清閨對斜陽伏枕攤書檢藥方未得忘機同海鳥
可能繕性似梁鴛一聞淥水愁難和三摘瑤英喜欲狂
老矣無能相賞重人間合有蔡中郎

馬又輝以扇并詩見寄依韻奉答

十年風雨對床眠一曲雲波萬里天欲泛白沙馳桂楫
定歌烏帽醉瑤筵相思一寄齊紈扇好句堪題蜀錦箋
莫怪南金遲未報郢中春雪幾人傳

秋夜讌集涉園邸席次張顥侯韻

春雪初聞絕妙詞紅牙響遏碧雲遲芳蘭綠芷思公子
淡月輕風倚少兒北海開樽多勝侶西園飛蓋有新詩
明朝擬赴東籬約看試黃花第一枝

題胥川草堂

西臯美池沼杖策一相逐
林水清且深澗草萋以綠
良辰共嵇阮高言屏絲竹
荷樽進晚涼蘭衣襲餘馥
薄暮憺忘歸當暑靜無燠
解帶數來過庶以慰幽獨

梅里晚泊

不盡清秋色移舟奈晚何
早霜初着樹暮雨欲增波
酒薄思吳耐吟深入楚歌
風前懷舊友揮淚隔山河
水鄉當十月景物已蕭辰
有歲風堪樂無官俗更淳
墟烟寒近寺林火夜歸人
近作移家計端宜此卜隣

曉霧入豐溪

雨收猶未霽林氣入沾衣霧重津難辨舟輕鳥自飛
楓邊詩思艷霜外葉聲微隔水聞人語豐溪路不違

半邏

十里寒塘水漫流蕭蕭蘆葉響空洲濃陰宿霧連朝雨
柔櫓輕帆半邏舟心事蹉跎王谷隱故人零落鄆田秋
吟成猶倚危橋立慚愧沙頭雙白鷗

宿外氏山樓感舊有作

三十年來百感生西樓重此聽殘更樽前故舊垂垂老
夢裏勲名栩栩輕海雁衝霜寒有信林鴉踏葉夜無聲
顏容早已驚蒲柳慙愧當時玉潤名

紙窗風雨逼殘冬小閣重尋舊日蹤人事已同碁局換
交情偏似酒杯濃荒雞唱墮寒林月清夢驚回曉寺鐘
却怪未除湖海氣上床端含笑元龍

池安橋下漲初平十五年前曉泛情青雀滌迴歌管合
朱顏憔悴髻絲生蓀橈蘭橈皆陳迹宿鷺閒鷗是夙盟

珍重故人雞黍意何妨信宿未成行

曉登弄珠樓

曉作東湖憩茫茫入倚樓吳楓千葉雨江雁數行秋陵
谷悽前事風煙愴昔遊歸舟移枕簟後夜夢滄洲

水中雁字十二絕

寒影低空萬里迴暮江蕭瑟正流哀洛川賦筆多清綺
知向驚鴻隊裏來

南鴻縹緲北書遲欲寫離愁寄所思有影無聲何處覓

蘆花清淺月明時

秋盡江南落木初
烟波極目眇愁予
上林書札憑誰寄
欲倩迢迢雙鯉魚

欲下還飛過遠川
如斜忽整態娟妍
不須重扣湘潭菊
芳信新從雁足傳

楚天數點映沙洲
尺素無憑水自流
欲向湘江寫哀怨
回風影裏一行秋

露冷沙寒又一時
數羣相逐向天涯
滄波深處冥冥影

錦字裁成好寄誰

淼淼江津夜有霜
忽驚清影落寒塘
斷鴻牋裏相思字
絨得綃人淚幾行

清輝掩映楚江潯
水碧沙明不可尋
似向湘靈題好句
十三絃上寫秋心

秋懷寥濶影參差
寒雨空江欲暝時
汾水舊遊長寂寞
年年題遍斷腸詩

洞庭秋色憶經過
點點平沙入望多
一去玉關消息斷

迴文空自託連波

寒響初聞夕景收
澄江如練白雲秋
素書文翼渾無據
別作流波一段愁

拂水撩雲夜自呼
影隨殘月照菰蘆
曉來南浦衝寒過
搦得臨川筆陣圖

和友人弄珠樓眺望之作

東湖烟景媚新晴
把酒登臨亦勝情
窈窕川原清景入
坦迤林澤曠懷生
蘋風度水涼俱集
璧月隨潮晚自盈

知有探驪狂客在九龍波上夜珠明

書扇贈義山

薊邱昔遇君結契在傾蓋不謂同里人定交千里外揮
手一杯酒中更六七載契濶豈不深寸心較然在乃知
交有道淡成甘以壤心跡論親疎所見無乃隘今來禾
水上班草更相會爽氣挹高秋清言發仙籟情話不知
煩蕭然復玄對坐久又成別念往重增慨一見幾十年
佳期恐難再哲昆善詩筆洒落邁時輩因君一寄語努

力好自愛

春日喜凝祉見過信宿山堂依韻有答

乙卯

落葉飛蓬雨共零歸來江海嘆伶仃求羊徑草春常合
羅雀門扉晝自扃避俗不妨除阿堵鍾情猶自惜寧馨
枉帆媿爾深相慰相對樽前眼倍青

十載初衣賦可尋仲容曾此共投林邱園老去甘頭責
藜藿今來喜足音萬仞扶搖堪接翼一官嶺海羨抽簪
趨庭為語長相憶池草江鴻入夢深

小隱栖遯物外蹤秦谿深處最高峰
蝸廬獨臥烟霞冷
蛛網長將卷帙封錦字頻年裁欲盡
青雲千載悵無從
多君何事偏情賞恐有人間說好龍

故人幾見着鞭先一臥江潭十五年
小草身名悲偃仰
南園風雨憶周旋當春細泛鵝黃酒
倚醉留題水碧箋
回首滄浪亭下路妍花芳草夢中烟

春藻堂讌集

山堂永晝暢清歡小雨吹塵楚製寒
谷鳥聲晴低嚙樹

海榴花暝照凭欄綵毫得句才皆健白紵徵歌夜未殘
他日風流追憶在相思千里託明玕

飲董榕庵席上有作

客裡招尋坐晚筵輕雲薄雨嫩涼天品題白黑棊中正
放浪盃鐺酒聖賢暝色漸生歸鳥外春衣初換落花前
夜闌莫惜淳于醉屈指前遊已十年

斜塘舟次

綠陰深靚日初長梅子風輕白葛涼歇浦西來潮正落

輕舟一葉過斜塘

風送輕帆雨乍飄
插秧天氣嫩寒消
沙頭轉處潮痕淺
知是前村減水橋

東湖舟次

黃梅時節插秧天
草暖平沙宿鷺眠
煙際人家朝問渡
雨中城郭晚停船
綠陰如幕濃于染
碧水無波淨可憐
最喜歸囊無俗物
釣筒茶具併吟箋

宿顧孝持齋中

城南風物恣幽妍
虛館張燈掃榻眠
一別十年俱老大
重來三徑故依然
戍笳夜雨凝寒吹獵火
春茸破暝煙
相對中宵清不寐
荒雞聲動泐寥天

共說羊腸世路難
十年高枕夢邯鄲
煙波歇浦漁蓑冷
風雨千山劒氣寒
求友黃鶯初睨睨
媚人紅藥未闌珊
析醒更有盤中蔗
拚醉如泥興未殘

望中峯影有無間
薄暮投林鳥自閑
不遠故山偏入夢
頻移佳節未知還
身經雲雨諳交態
容入風塵損壯顏

千頃烟波三尺艇可能揮手弄潺湲

張持遠席上

再浮三泖宅十載尚垂綸撫劍無知己開樽有故人
谷鶯清送響雨篠晚沾巾努力前期在天涯戰伐新
憶昔操觚日龍門得暫遊受經曾北面揮淚又西州
桐引清依夕松疎夏似秋停杯話疇昔珠玉喜紛投

松桂堂全集卷十四

欽定四庫全書

松桂堂全集卷十五

吏部侍郎彭孫通撰

渡河

雲濤滉漭與天迴水曠沙寒望不開
九曲源流天上落萬方筐篚日邊來
安瀾藉有歸墟力待嘯慚無作楫材
捷竹擎莢時未息東南民力不勝哀

和葉訥菴大雪口號三絕句

南雲迢遞尺書無凍合遙天雁驚呼此夜崑崙千尺雪
莫將樽酒失良圖

折絮風狂不可支茅堂土銼午烟遲輸他物外逃名客
落葉空山擁絮時

浮沉金馬十年餘秘思妍詞總不如高臥不嫌將息冷
紙窗燈火夜闌時

簡姚岱麓

封事朝來獻紫宸

至尊親自品題新

睿謨豈必資羣策

聖主偏能獎直臣
入對西清言若券
坐收南詔畧如神
與君夙昔相期勗
肯作人間第二人

送劉介庵

北徐方鎮控諸隣
妙簡仙郎建節新
瓠子河流千頃澤
枌榆社鼓萬家春
十年舊雨同遊宦
此日停雲有故人
君到江南相憶否
題詩好為寄香蘋

送陸鶴田之任安徽糧儲少叅

絳節朱幡擁傳辰東南千里借才新持籌能不憂民力
行部還當播

主仁萬斛仙霖隨畫輶九霄卿月待清塵中朝望實由
來重舊是

先皇獻納臣

寄徐琯朗六兄并家姊二口號

城南城北舊相尋親串相思最汝深
有子盡如豐歲玉

向人休羨滿籬金

終歲著簪與練裳耐貧端有好兒郎西風寄語多珍重
飽看黃花晚節香

寄張縞亭

曉起朝叅懶相思在樸巢紅塵無雜客白雪有詞曹三
伏不知暑萬山相向高悠然北窗下散帙落松濤

不厭東山臥棲遲未解蘭儘多閑歲月長對好林巒露
篠晴猶濕風荷夏亦寒何時同緩帶彌日坐盤桓

寄劉敷文

長安局趣不自適數憶故園相往還君家軒子最踈快
時從物外來追攀劉家伯雅復仲雅何氏大山兼小山
酒酣揮手弄白日松濤萬斛寒潺湲人琴既逝不可作
予亦俛首逐世緣舊遊一往如夢寐此樂難再幾年
松寒桂燠定無恙林慙澗媿端可憐知君時復一相念
悠悠兩地誰能傳

挽吳銘甫

追憶邗關別於今又幾年何期成永訣遂此隔重泉雪
軫虛絃絕風檠暗網懸秋來原上樹蕭瑟起寒煙

當年披宿草灑酒酹秋墳曾此悲吾友今茲又哭君襟
期兩世篤生死一朝分楚些遙相寓三泉杳不聞

幽絕平山路頻年有夢思一聞蒿里唱無復竹林期石
籟清陰合山窗碧蘚滋空堂人跡斷猶是下帷時

索句清吟苦攤書白日移子雲長寂寞叔寶本清羸杳
杳即長夜悠悠無見期人生亮同盡天道竟難知

蕙折一何早，芝焚極可哀。故人餘有幾，老景覺相催。
眼淚有時盡，情懷何日開。無由展交誼，南望幾徘徊。

送丁筠雪之順德郡丞任

仙輶南去路倭遲，五馬從容佐郡時。
漳水渠邊行問俗，鵲山影裏靜褰帷。
凝香盡日間清嘯，臥閣終朝少詠詞。
才地清華名迹美，丁潭公望盡人知。

題王海若遺像

瑯琊本是清華族，五馬秦郵事可論。
六十年來遺澤盡，

老成雖謝典型存

壽繹堂先生

桂林秋月一枝鮮
錦水明霞五色妍
虎觀談經頻授簡
雲臺論事每回天
清卿兼領春官秩
端尹仍司冑子筵
自是人臣中第一
不徒書法比僧虔

送蘭皋之滇中

征軺方萬里
霜氣正凌兢
宦遠人情減
秋悲別緒增
風前寒雁斷
天外暮雲凝
徒有盈觴酒
徘徊思不勝

即今同軌日六詔已銷兵底是人豪忭依然土沃瀛精
廬間雅吹清畛見深耕莫使文成義長留徼外名

壽徐健菴先生

承華仙掖最清嚴青瑣彤階翠羽廉千尺玉山人獨秀

九錡

銛叶

犀鏐筆猶銛主持文運歸師匠獎納風流絕世

嫌李揆聲名三絕擅孔愉才望一身兼翰林舊與台階

接壽域今從德宿占迓暖芳芸香乍發履長繡線日初

添離離秋實誰能採藹藹冬曦衆所欣禁裏銷寒留蜀

纈林中燮味出戎鹽翱翔鳳闕

君恩重登陟龍門士論僉願托光儀陪劔笏清塵長得
奉車轡

送鄒彥公

二十年來乍起家重將壯志吐青霞備經患難才逾老
飽歷炎涼髻未華綵筆荷囊皆後輩紅雲香案正前衙
出君百里非淹抑循吏當今屬望賒

獲落心情爾我知一朝湔洗未嫌遲遭逢雖幸昇平世

塗抹全非少壯時乍見新除真自喜重談往事尚餘悲
臨岐相贈無他語第一休教急繭絲

送宋牧仲之虔州

嚴節屆玄冬長風吹廣陌故人別我去千里慎行役四
牡何駸駸王程亦心迫霜雪多沍寒況此飲冰夕虔州
在天末渺與京華隔頗聞風土佳其中富山澤十川滙
雙流八景有遺蹟頻年苦戰伐此地遂疆場邑里既凋
殘算緡猶絡繹君當播

皇仁慎無言溢額南方春氣早大庾梅花白何以慰相
思瑤華行可摘

古艷詩二十首

月鉤

無分好月是春秋夜夜清光破暝愁底事人心顛倒劇
如弦不愛愛如鉤

虹梁

宿雨初收玉竦新長鬢蜿蜒跨秋旻多應天上河難塞

別起飛梁絕漢津

燭淚

拚將寒焰委飄煙不道膏明祇自煎
一寸丹心灰滅盡空教灑淚向風前

遊絲

輕煙遲日澹相和陌上風光艷綺羅
漫說是絲繚未得一春只是冶遊多

蝶夢

藉草迷花得自由
錯將輕薄號風流
當途只自翩翩態
齊物終輸栩栩遊

梅魂

南枝零落北枝新
瘴雨蠻烟慘淡春
欲賦大招招不得
冰肌玉骨總成塵

柳絮

薄似吳綿一縷微
輕如春雪點人衣
因風便作漫天勢
入幙穿簾到處飛

松濤

長松清籟發中林一瀉風前萬壑深
翻覆波濤生眼底誰能不改歲寒心

水紋

千頃澄江匹練寒迴波如縠漾清湍
風前一片淪漪影中有幽人笑素餐

石筍

曾說平泉有異觀玲瓏琢出碧琅玕
草間不少啼饑者

煮箒何如煮石難

冰花

無色何曾更有香
偶乘陰氣薄
冰霜黃綠根蒂知何處
莫遣開時近太陽

麴塵

玉屑清霏絕埃麴生曾此數
追陪從今風味須料揀
恐有乘軺酒士來

麥浪

繡隴閒來策杖過
麥秋天氣最清和
遠風吹作鱗鱗碧
平地原來浪更多

秧針

一渠春水插秧深
遠近齊抽碧玉針
五月江鄉賣新穀
針針刺却老農心

荷珠

芙蓉秋水溢銀塘
採得瓊瑰浥露香
空有珠名難照乘
須知荷暗本無光

花影

庭花裊裊媚芳春
淡月清宵送影頻
分得餘光能幾許
縱橫枝葉也撩人

鶯梭

三月江南麗景多
流鶯相向擲金梭
可能織得春如錦
風物蕭條奈爾何

荇帶

水荇牽風百尺懸
參差波面纈紋圓
叢叢翠帶真堪擷

此物猶能薦八邊

竹粉

誰把明玕種碧城
膩香春粉正縈盈
弄姿飾貌沾沾在
貞幹淇園浪有名

榆錢

綠樹初陰紫紺鮮
佳辰早換白榆煙
何曾買得春光住
青帝原來不愛錢

寄內

小疊紅牋寄語頻橫雲初破遠山顰
玉宸昨夜親傳詔夫婿承恩第一人

松桂堂全集卷十五

欽定四庫全書

松桂堂全集卷十六

吏部侍郎彭孫遹撰

早春雜感

春陰積未散，日夕幽憂并。
臥聽鳥聲樂，已知今日晴。
空堂謝客久，砌草紛相縈。
梅林栖凍萼，冰雪猶縱橫。
幽蘭被山徑，亦未抽新英。
含芳各未吐，物意已向榮。
我獨苦離索，何以慰此情。

二月六日小舟入邨落書所見

條風初布和河流爭解凍舟行邨落間遠目聊一送草
色綠蒙茸鳴鳥發新哢留連感節物時屆春之仲東作
行及期四野土膏動夫何氣蕭索生理太倥傯老農前
致詞君其聽哀控去年憂旱暵十室九家空力耕盡征
稅不留盜與甕嗟哉婦無禪機杼久停弄二麥猶在田
未可充磨礱僅存溝壑餘方虞轉徙衆得食既艱難何
以事菑種但願今歲豐陰陽不驕縱雨暘各以時麥禾

皆懔懔稍羸糊口資庶免剜肉痛身今七十強雖死亦
無嘗我聞老農言惻惻心餘恫肉食愧荷鋤機心羞抱
甕載詠伐檀篇詩人有深諷

三月三日作

今年春事太遲暮三月餘寒未銷却玄禽不至桃未華
唯有殘梅花綽約兒童報我禊日到採蘭相與共娛樂
病夫曳杖強欲出恠底東風苦作惡一編在手聊自遣
有酒時復細斟酌海天今日弄新霽蛟蜃樓臺生廣漠

越山一髮青嬋娟遠水粼粼繞城郭居人濱海習舊俗
定有水戲間相作祛除疾病祓不祥盛事還如在東洛
身雖老矣老更狂尚能一試鯢鰓躍

食佛手芥

春氣妍和雨破塊畦菜叢生抽軋快鼠壤餘蔬靡不有
荼薺崧蒿葱韭薤行盤瞥見青闌干風土尤珍佛手芥
霜刀切玉色深綠芼以芳辛薑與桂沃醯醢醬五味勻
甘滑何曾費齟齬藜羹不糗日苦飢肌腸出火鑪吹韞

小人之腸易屬厭食鮭三九詫珍恠露寒槐葉徒區區
美芹欲獻意亦隘要令田野洗此色蕃植嘉生澤汪濊
請從老圃謝不如抱甕終身息機械

食笋二十韻

花時燕交飛二月美風景春雨過林梢行園劇新笋擗
龍蟄土中屈蟠混蚯螾驚雷脫鱗甲騰躍不可忍嶷嶷
頭角殊一出遂脫穎持之付膳宰中厨佐烹飪性腴舍
土膏口苦存骨鯁菹魚詫鮮脆芼肉誇雋永江南春社

後果蔬頗繁稔血色櫻桃顆白皮甘蔗挺肥黃茁韭芽
嫩紫掇菌蕈俊味此尤絕鮭菜皆下品庶幾千里蓴鹽
鼓相合併一生未得啖飽此亦云幸詎足做大烹端宜
染餘鼎又聞本草言能使關鬲冷我其內熱與稍以滌
躁猛行當荷長饒幽篁栽萬頃胸中貯渭川富與通侯
等北客勿原頤煮簣還生哂

再食佛手芥菜又用前韻

把酒狂吟傲大塊雖不得肉意亦快春蔬味好名亦佳

壓倒園中百本薤羔豚魚羽論萬錢一飽之餘皆土芥
何哉擊鐘列五鼎飯者珠璣薪者桂古來食肉盡奔鄙
齒冷至今生齟齬如金在冶自踴躍不向洪鈞聽鑪鞴
飲河偃鼠自云樂大鵬不慕齊諧恠擇菜何妨尼父窮
采薇翻笑伯夷隘玉衡照耀三階明雨露無私春濺濺
吾將抱耒歌太平長脫朝衫貳負械

清明日風雨入賁湖

朝來風迅雨亦頻一百五日清明辰相將羣從小艇

汧河直到賁湖濱賁湖之水四十里寒漪清淺無纖塵
先人邱壠此馬在林間石篆青嶙峋百年遺澤未合泯
松檜皆已成龍身比來禍患不可測虞殯屢送期功親
只今三月好時節柳枝桃萼相鮮新東風妍暖吹百卉
蘭摧蕙折何曾春我來丙舍三歎息舉酒欲酌含酸辛
可憐纍纍冢中骨今日多于上冢人

寒食雨中種海棠

牆西數弓地不治久蕪穢偶此有餘閒呼童除草萊寒

食故多雨茲焉適其會種時當及今可以省灌溉海棠
方試花移根近牆內春日惜惜長妍華靜相對風吹婀娜
枝低昂各有態顧之足清娛狂吟不可耐把盞弄韶
光白髮其予奈

小閣前緋桃一本三月始花

山桃二月花開時春已老倚閣兩三枝迎風弄晴昊春
暘既多情使我顏色好春風莫漫吹零落不自保

暮春雨中雜感

端居偏自感流年三月芳春欲暮天樓外雲陰長閣雨
竹間暝色暗籠烟催租吏至妨吟興種秫田荒費酒錢
回首山陽成往事黃公壚畔一悽然

西堂舊夢渺無涯物在人工幾歲華芳草三經寒食雨
木蘭重發隔牆花白頭著述誰相問黃口淒涼事可嗟
歎惜遺編零落盡漫將心事付侯芭

題顧眉生畫蘭冊

無復當年弄墨辰斷紉影裏認前塵青溪畫閣秋如水

寫出芳蘭竟體人

暮春雨中分韻

春愁無奈強登臺
漠漠輕陰向午開
芳樹獨憐花易萎
舊巢偏喜燕重來
微風度砌梳苔髮
小雨穿櫺浥麝煤
孤負一年櫻筍節
急呼瓶杓潑新醅

欲持底物遣佳辰
花事蹉跎又一旬
陳迹暗消蘅薄夢
繁英不散麴車塵
垂楊暝結萋萋色
紅藥寒禁泥泥春
稍喜身閒因謝客
不妨今雨絕無人

歌枕南樓午夢醒
荆扉長似鎖
岩扃風前鶯老孤簧澁
雨後山寒一髻青
攬物暗驚時晚
棲心終愧古沉冥
瘦筇手挈夫須笠
重結蝸牛入翠屏

石池新水纈紋生
淡沲風光刺眼明
搏黍聲中調律呂
長檣影裡辨陰晴
花縈裊席初無意
草藉壺觴絕有情
留取溪山無恙在
郊扉晚計幾時成

顯侯以春菜詩見示依韻奉荅

食經自昔有遺制
淳熬炮漬稱八珍
豪家異味廣搜索

羅網直窮山海濱，飮盤穀核亦有法。攢梨饌栗棗用新，
豈知貧士有飢色。二鬴不具，唯空困灌畦鑿隧甚矣。憊
一銚一罇，皆躬親江南澤國富物產上蔬第一為菰蓴，
于何得種最殊絕。谷水南浦名春申，季鷹緣此謝名爵。
苦憶此味，思沾屠脫身入吳信。高蹈不撓，凶禍罔與倫。
我生平世蹤跡異躑躅仕路多艱辛。去年索米客京輦，
素衣蹙蹙成緇塵。南還海曲，屈殘臘。毆疫索室走萬俚，
迎新舍舊。被不潔苔，苟憂憂。桃蓂蓂日月其除，老將至。

候忽已及今茲春誓當釋巾遂終隱經營十畝河之湄
蒔蔬種樹各區半綺蔥赤薤羅青津小人但知近且小
請為老圃隸土均龜腸日飽草木食飲水食茹全其真
園丁報我新雨足苦荼甘薺青嶸岫雖然鼠壤厚積歛
咄咄老子何不仁其中佳者首春芥含膏釀露蒼皮皴
瓊苗荏染攢碧玉霜根柔靱剝白銀和之椒桂助辛烈
能達陽氣迎蕤賓乃羹乃淪薪以煇火力強壯風焚輪
瓦盆盛出爛盈案晚菰早韭俱下陳飽餐終日懼過分

曾聞蘊藻羞明神區區一意欲上薦九閭阻絕憂羣信
誰職膳宰實司味勿學衆女嗔螭螭唐虞至聖吸土簋
上能節儉下不負知君用意極深遠目擊澆俗時感顰
咀毫抽思賦春菜精光皎皎生靈甦金閨當日好名譽
隱然志畧存斯民要令德澤浹萬物調燮元化同陶鈞
何哉避地匿聲迹竭來東海投緡綸閉門種菜作淨饌
低眉鄉里徒謹恂須知用大合有道肯將泝統試不龜
君才百二我十二敢相雄長東西秦善歌必使聲可繼

引商刻羽有和人如陳國風諭民志我鄩以下君其幽
發緘得此應大噓笑倒七尺頽然身

贈施叔允前輩

曾撓天藻直鑾陂遺老如今更有誰文獻依然留隔代
典型從此憶當時談經夙擅施譬易好學仍歌衛武詩
却笑彥回稱世胄不將名德保期頤

病中喜木文見過

不厭看花日百迴偶因臥病罷啣杯林鶯一似求聲切

海燕偏能起社來見說閩粵戈乍寢更聞湘楚敵頻摧
良時那不追歡賞况有殘梅爛漫開

南宮斗閣下觀梅和曉岳

春霜夜坼玉骨鬆縞衣仙子騎蒼龍仙壇幽靚颯來下
參斜月落時相逢紛紛桃李盈千百狼藉春容廣眉額
世外相期只此君詩成俯仰成今昔人來人去看花頻
可嘆今人非昔人但見落花還再發何曾宿草解重新
君年與我皆非少白首心期坐相照唯應日日臥花前

長須領受傾城笑

夏日同天衣珂月行中三上人崔蘧非昭威姪
汎舟西湖即事用秋岳先生韻

無恙湖山在臨流一放船雲生飛鳥外雨掛夕陽邊急
槳迴仙管長堤散錦韉依然行樂地回首太平年

白葛當風敞清樽卜晝開微言皆祭可淨侶亦宗雷得
歲占吳會傳烽靜越臺栖遲端自好勝地得頻來

夙有滄洲趣忘機久狎鷗白沙思桂柁北渚遲蘭舟老

玷金門籍心慚石隱流諸公知我者何以為身謀
荷風清不暑回艇日初斜小雨吹輕浪新涼著暮花熱
從冰氏釋愁向索郎賒近覺浮名累山翁合毀茶

重過鹿苑山房與諸上人話舊仍用秋岳先生

韻

七年重到舊招提塵尾談深日又西拈得枯禪惟玉版
分來淨饌有香齏雲門雪竇身將老不借軍持手自攜
相對忘言還一笑遠公今已過前溪

湖心亭晚眺

葛帔絺巾信手提，虛亭送眺柳陰西。
盪胸直欲吞雲海，解渴還思擣雪虀。
白傅風流猶宛在，玄暉詩句待重攜。
澄波向夕青蘋散，一幅分明畫畫溪。

重遊南屏山寺

山中清話一追提，最愛南屏故苑西。
宗鏡漫參乾矢橛，齋厨曾飽淡鹽虀。
林間月籟頻頻送，石上風琴夜夜攜。
惆悵前遊今漸老，紅衣落盡藕花溪。

湖心寺觀魚

莊惠重將往事提，濠梁只在小橋西。
試思朝客貪驕餌，何似山僧厭淡齏。
素鬣宛從空際躍，清暉長向袖中攜。
石欄徙倚吟懷溢，獺祭何當笑玉溪。

泛舟歸值大雷雨

清言日夕已全提，一舸初回麴院西。
雪乳茶香皆法味，錦絲蓴滑亦仙齏。
風濤湖海生飄忽，雷雨蛟龍入抱攜。
策杖歸來銜暝色，梭鞋踏破綠莎溪。

夜熱甚不能就枕

誰把南泉舊案提一龕燈火佛幢西病求藥物三年艾
熱想冰霜六月蘼河朔故人思縱飲汝陽遷客惜分攜
晨鐘吟盡清無寐殘月熒熒下石溪

荅行中上人索詩

十年踪跡漫重提濛汜光陰漸向西相索新詩堪噴飯
共談往事欲吹蘼湖光靜與蓀橈接山色遙將竹杖攜
此地淹留應不惡何須遠覓若耶溪

苦熱

近已棲心學屏提一屨老我漸江西功名熱客皆坏土
事業書生只蠶蠶無恙山川成繾綣多情煙月解招攜
澤車歎段真吾好笑殺衝炎向武溪

荅西冷友人索新詞入選

一壺山鳥勸相提不向垞南即灤西熱處根苗嫌綺語
冷中將息愛黃蘗雲林半偈同僧話花塢雙相共客攜
此樂千秋誰會得避秦人在捕魚溪

部檄促行甚急急忽忽不樂有作

漫說雲霄好挈提魯陽難挽崦嵫西十年游宦魚緣竹
一日歸田菜作齏園令病无仙掌賜酒家錢有杖頭攜
醉遊溟滓忘身世一任愚溪與惡溪

與行公夜坐

鹿苑宗風小唱提翛然自恣竹林西十分厭浥黃梅雨
一點酸寒碧玉釐檻外松筠心共冷懷中冰雪卷堪攜
晚來一枕蘧蘧後清夢依稀入剡溪

諸上人為予勸駕戲荅

當年戈印解親提
垂老栖遲谷水西
少賤無人分冷炙
長貧有婦耐寒齏
清川月好波堪摘
碧里烟深屐可攜
物外勲名端不減
醉侯猶得署雲溪

過際公房

綠蕉翠竹總菩提
淨域依然鷺嶺西
世外多情惟老衲
人間至味是酸齏
圖書莫怪歸裝溢
雲水應將坐具攜
何日相依行脚去
香泉一勺禮曹溪

贈天衣上人

曾把祇園拂子提親承面目化人西飯漉白雪寒春米
菜淪黃芽苦口罄天際看雲心自定山中赴講客常攜
筍蒲不厭貧家供肯為相尋福見溪

飲湖上酒樓

錢王三尺手曾提霸業消沉日陞西但覺興亡同泡露
何須冷暖別羹虀過雲聲作紅牙唱頽玉身將翠袖攜
從此逃名何處老吳山雪水越來溪

行公以詩贈行有荅

操觚授牘總休提
世事侵尋暮景西
朝士可憐多肉食
野人空自美芹虀
風泉月嶠須頻過
雨笠霜筇試一攜
為語已公移枕簟
他年同臥浣花溪

東歸贈別諸上人

柔毫輕繭手慵提
毒熱何時大火西
清境欲尋天姥夢
好辭難得外孫虀
竹爐蕙帳堪留戀
烟渚風帆共解攜
別後故人能憶我
頻將書札問秦溪

寄秋岳先生

暑賦從今莫浪提妍顰難效芋蘿西濫叨名似羊公鶴
急就篇如石尉虜擊劒我應捐故技登仙君或許同攜
江湖隨地多清興花發林塘水滿溪

才弱偏將一旅提焚舟也欲濟河西天才獨絕人如虎
險韻難成字有蘢北海樽壘容客醉東山絲竹待公攜
只今國計頻繁甚肯許閑身臥竹溪

松桂堂全集卷十六

欽定四庫全書

松桂堂全集卷十七

吏部侍郎彭孫通撰

上杜相國

黃閣樞機重彤庭歷數長鴻才推武庫上宿煥文昌挺
嶽占凝瑞攀鱗際發祥六龍開曉馭一鶚掣秋霜文部
澄流品蘭臺肅紀綱韋謙多蹇諤毛玠最公方毗倚登
三府綸扉近九閭頻煩資顧問密勿藉平章喜起乾坤

泰昇平寓縣康賡賜雲緡采藻翰錦成襄樹豈知溫室
詩還和柏梁比來煩廟奠竭去啟戎行偃羽舒

宸慮投戈覲

帝光不須張撻伐已自鞏金湯聲教流羣服栽培納衆芳秉心
誠斷斷挹氣更汪汪薄植誰陶鑄孤生此激昂江毫徒蕭弱阮
轍久迴翔握髮今公旦通門舊伯陽城南天尺五矯首思飛揚

上益都馮相國

自昔休明運多資輔相功苞河初啟

聖鍾岱實生公絳闥周旋久彤廷委寄隆綸扉今樹駿
館閣舊流鴻曹教司成貴文銓少宰崇四科歸樂育九
品見清通丹筆祥刑重烏臺法紀雄秋官仍掌禁亞相
即司空卿月升黃屋台星胡紫宮三光和王燭一德洽
璇穹偃羽時交泰調元歲屢豐梯航來異域雨露及昆
蟲魏闕松當戶卷阿鳳在桐神凝溫室秘思敏柏梁工
海嶽高深並冰霜峻潔同居無旋馬地家有拔葵風秉
正心如水噓枯律應桐冬曦披廣廈寒谷轉春叢蓬鬚

慚潘岳龍門羨孔融發生天地意翹首碧霄中

送沈嘉善

玄暢才高久擅名秋來重作綰符行吟懷不廢楓江冷
宦况真如鴟水清官舍去家無百里居人接壤識平生
懸知風土能諳悉何必朞年政始成

魏塘西去接禾興方志曾將望縣稱風俗長年鳴杼軸
人家終日採菰菱催租符下愁相向顧役錢多喚未應
莫倚繭絲邀上考東南水旱正頻仍

送朱別駕

味道終年志不違
薪傳千載有光輝
獨尋遺緒宗濂洛
重播清風向海沂
秋晚河橋驪乍唱
霜橫沙磧雁分飛
送君便擬虔刀贈
報最行看入紫微

送東昌吳司馬

十載曾知季重名
隼旟新擁畫轡行
訟庭人靜秋陰合
臥閣詩成午篆清
早見安瀾歌瓠子
從無飛矢到聊城
只今不數高唐守
徑寸珠光照乘明

送徐州汪廣文

秋來曾此折蔬麻千里相思未有涯
平子情深青玉案
扶風帳擁絳雲紗
鳴雞山迥征鴻過
戲馬臺空夕照斜
莫自登臨耽逸興
彩毫留咏上林花

送郭華野之任吳江

剖得仙符亦壯遊
粉榆偏喜借才優
境分林屋千巖秀
城對松陵萬壑流
吳越山川當四會
東南財賦甲諸州
懸知父老深延企
竹馬爭迎郭細侯

輓杜香武

何來冰雪皎風姿玉是連城桂一枝却似浣花溪上老
最憐驥子好男兒

何事翩然賦玉京不將祖德續玄成湘東銀管膠東紙
洒淚看題處士名

千古彭殤一壑同可憐愁絕阿家翁傷心十八年前事
蕙幌蘭燈照夢熊

春浮樹下慧禽啼無價香中寶篆低好禮空王重遺累

盡捐何肉與周妻

以鹿脯寄餉寓庸戲為口號

吾已清齋謝五辛
汝應肉食鄙時人
祇須一擘麒麟脯
飽看麻姑海上春

題贈菊農散人

閒來獨把菊花叢
長日栖遲半畝宮
為圃為農無不可
總無機事到胷中

霜葩偏自抱幽貞
好與山人共結盟
風格千秋誰得似

天然嫵媚魏元成

玉清步韻

玉清右史本仙才曾侍元皇香案來書就鄒枚慚簡牘
詩成屈宋作興臺青陽黍谷先春動紫氣函關拂曙開
頻枉鸞驂因度世人間何事不堪哀

幾見蓬萊弱水枯仙班長自領清都先天獨契真儒者
浩氣長存是丈夫無諍端能空衆諦有情時復拔三途
瑤臺一謫親傳語肯許重登玉格無

題呂真人印月軒用展成韻

凌虛時作御風行
隨處人間有五城
千載雲衣留想像
一天霞氣浩縱橫
澄嵐曉度雙鸞影
寒月秋空萬籟聲
矯首層霄憑寄語
可容仙籍隸瑤京

神寓氣色鬱扶輿
中有真人擁節居
十二樓臺開絳闕
五千道德授丹書
蓬山蹤跡何曾遠
槐鼎勲名總不如
從此抽簪便長往
半軒松月臥清虛

題贈成侍御勇

甘陵有黨禍炎祚乃終屯北轅方名繫紹述猶紛紛自
昔運中否士氣頹不伸所以盛世事折檻旌直臣嶽嶽
成侍御對仗批逆鱗一朝身去位國勢遂不振採芋鬼
山顛家人忘其貧著書以自娛白首終隱淪清風與直
節千載誰同塵回首甲午年遺事重可論古今一邱貉
嗟哉肉食人

和馬又輝

曲江柳色垂垂綠染取湘毫五色斑何事謝安偏晚任

素心應不負東山

走筆東初菴

詔書昨日下金鑾翰林學士初進秩學士由來恬仕進
不營門戶但孤立

聖主知君君不孤十載孤忠主所悉朝來策馬過君門
厨辦蕭然扁幽寂長安衮衮諸公卿那能似此耐官職
正人登用將太平我欲陳詩歌

聖德

贈楊以齋副憲

柱後差莪執法冠繡衣立仗五雲端性成薑桂非因老
氣冽冰霜本耐寒朝野傾心酬望易

聖明知已報恩難清卿幾載心如水肯借他途轉一官
曾作

先皇獻納臣當年直節最嶙峋中丞今是臺官長鉅典
初逢計吏辰定有清裁傳白筆可無

聖德誦丹宸南司風紀由來重連茹登朝盡正人

文學端推達者先服官本不媿前賢已將廉讓興千古
更借風稜障百川六察班尊三獨坐四知名徹九重天
蘭臺況是藏書地暇日還堪問簡編

代送江西學使

握蘭仙秩舊司珍題柱名高動紫宸畫省歸來還散帙
素絲清絕不生塵龍光曜自依烏出雞舌香因起鳳新
解道玉壺偏皎潔十年心是飲冰人

建鄴當年擁傳辰桂林秋月淨無塵重將南國持衡手

去作西山採玉人珠琲盡收彭蠡滙書郵不問石城津
橫經況在傳烽後教澤還看雨露新

匡山西挾楚江迴中有先賢舊講臺水鏡澄時寒月皎
紗帷披處絳雲開斗間辨氣青萍合洞裡探經白鹿來
漫說公門桃李好人間應有豫章材

儒雅當今屬望深九霄卿月待重臨江城暫擁扶風帳
薊北猶虛立雪心郭隗臺空摧暮色元嬰閣迥淡春陰
懸知綵筆崢嶸甚肯掇瑤華寄好音

送吳五崖視學中州

天垂奎壁望中開
地近三河枕斗魁
詞賦本從梁苑出
圖書况是洛川來
澗瀍清絕千尋水
嵩少高臨百尺臺
大雅文章看一變
只今不數少微才

當年退食憶追隨
酒盞詩筒事事宜
袁令曾為宣武戲
江郎不讓茂弘棋
使車一出占風采
客舍頻來感別離
若到汝南應寄語
春心搖落索居時

平湖南鏡歌四首

露布初馳幕府牋雲麾早定楚南天
投鞭湘浦波如掌
秣馬巴邱草似烟
戈瀨紛從千里動
鏡歌遙向九霄傳
偃兵喜見征苗後
依舊堯階舞羽年

岳陽南去楚山多
盡採巴謳入
凱歌湘客趨風迎
畫鷁
江童鼓浪擊靈鼉
百城已見垂橐臥
三戶爭看醺酒過
好待

翠華南幸日
六軍飲馬洞庭波

廟算高深九伐張
舳艫千里駕虹梁
軍威盡掃衡山霧

兵氣仍飛桂嶺霜

天子雲臺疏爵重將軍銅柱策勲長
即看文軌圖王會
白雉迢遙貢越裳

橫吹聲中鼓角鳴潭州郭外陣雲平
江烽不動湘烟碧
堠火空懸楚練明
六詔河山金馬使
三川版籍石犀城
昇平會有云亭典
玉檢芝泥勒令名

送翁武原赴黃州

同作秦溪物外遊
十年蹤跡各沈浮
白沙居處原相近

淶水心期本自投，逋客自憐扁岫愧。
故人新喜夢刀州，楓香亭下驅車處。
目斷春江萬里流。

啼鶯芳草最佳辰，喜見仙輶擁傳新。
空闊魚龍揚子水，參差桃李秣陵春。
十年舊雨同遊宦，此日停雲有故人。
君到江南相憶否，新詩肯為寄香蘋。

題楓江漁父圖

手結夫須上釣舟，霜黃初落潦初收。
憑誰剪取吳江水，併作楓林一派秋。

斗母降辰恭紀一首

三生名籍在仙壇
鈎校分明御筆丹
未得幽貞同雪幹
可能潔白比霜翰
北辰垂照三千界
東岳朝真十八盤
從此便成雲水計
上書不擬似嚴安

贈文洽

玉塵風流冠講壇
仙葩五色散鉛丹
名從桂苑留仙籍
才是蘭苔振彩翰
狂客定慚蘇嶺嘯
痴人那解蟻封盤
只餘一事差堪負
棋品還能過謝安

和真人韻

不厭塵凡境，鸞旌為我留。
雲霄皆袞袞，湖海本悠悠。
桂燄清宵永，椒觴後夜浮。
共存天際想，不作旅人愁。

偶逐雲心出，聊同雪爪留。
年華長冉冉，去住兩悠悠。
卉物春光近，星河夜氣浮。
太虛無色相，何處著離愁。

戊午除夕得除字

柏酒辛盤歲又除，焚香午夜待鸞車。
身慚貞白甘投幘，心薄文長肯繫裾。
天上祥符初聘夢，年來拙政是閒居。

移家擬入靈威洞手把琅函一卷書

金閨名籍一朝除寥落生涯患難餘逋客移文齊博士
貲郎獻賦漢相如誰能皓首耽微祿翻遣浮雲點太虛
四十九年明日是知非可比大夫蘧

征税頻仍久未除幾看水旱罄資儲軍須數轉江南粟
荒政曾無鄭白渠極目流離還載道故鄉消息重愁予
陽和願作豐年兆歲歲春風樂佃漁

客舍頻驚歲月除悠悠天地總蘧廬宮中擁篲思鄒衍

市上悲歌弔望諸雲物春臺周太史星河夜色漢儲胥
他鄉風物同鄉侶徙倚幽懷待一攄

再用前韻四首

慚愧名根未掃除長安從此曳柴車風寒易水催人髻
桑落中山引客裾出處漫從司馬卜寂寥誰問子雲居
已知窮達無非命悔不當年早讀書

晚來散帙就前除一點冬曦趙子餘世態滄桑堪自笑
吾生木雁又誰如數聲警夕殘鴻過千里懷人尺素虛

薄醉未消殘燭冷竹窗清夢亦蘧蘧

湖海滄茫氣未除銜杯莫問隔年儲地當黍谷長停霰
水下桑乾別引渠縱有陽和誰乞汝祇憐歲晏孰華予
永安湖上吾廬在一葉春流正可漁

鄉愁旅思漸消除轉為佳辰憶故廬鮮黍晚供吳不托
芳柑遠致越無諸團圞話久邀歡伯邑里風淳近赫胥
況是春來花信早南枝梅蕊已先舒

除夕和悔庵韻

虛幌寒燈朔晚風
顏顏難借酒杯紅
蹉跎出處浮雲外
飄忽年華逆旅中
身逐鴻飛常嚮北
心隨斗柄又移東
銷憂且作蟬聯話
留待三更玉漏終

同凝祉文洽守歲疊前韻

真率盤飧見素風
談玄同坐蕙爐紅
浮名一宿蘧廬內
公案三生玉局中
金埒行將空冀北
銀毫先已贈湘東
羈栖賴有吾宗在
仙籍由來自陸終

同蘧非守歲三疊前韻

故人千里逐晨風
伴我東華踏軟紅
幾度悲歌燕市上
當年頻轉瘴鄉中
只今羈旅仍天北
此去幽棲卜灤東
柏葉漫誇春酒釀
昌陽還擬贈韓終

松桂堂全集卷十七

欽定四庫全書

松桂堂全集卷十八

吏部侍郎彭孫通撰

己未元旦限韻四首

八風吹律正調元
瑞色籠蔥散曉暾
紀歷草生金鳳闕
迎春花發玉津園
星雲萬象開芳甸
雨露千家待紺轅
試向靈臺占物候
綢繆淑氣在郊原

矯首丹宸又紀元
火城初散九衢喧
曉鐘仙仗開長樂

春水靈池擬定昆鷺羽銷兵同赤縣蘿圖賜策受黃軒
祈年更上甘泉頌朱草繽紛詎有根

喜見貞符再起元氣迴陽律稍生暄授時已覺三微屆
講德還看四子存山色雲光當晝爽花林柳市入春繁
素心不與韶華競大拙何須乞帝孫

九天劒佩集含元有客高歌獨掩門丹笈終朝依淨侶
清齋永日罷芳樽故人幸接芝蘭室舊隱還思薜荔村
歸及江南春社後擷蔬薦黍亦

君恩

再用前韻

寶歷初成未改元九天曙色麗朝曦
摻音乍入陽春調遣興聊栖竹素園
竊當年羞北郭雞栖此日欲南轅
人間不少龍頭在那得交章問邠原

當今

聖德美乾元祝華呼嵩萬口喧側少刑餘如藉孺朝多
長者似劉昆短轅只合棲牛阜凡鳥寧堪寵鶴軒試看

堯天稱壽日幾行鵷鷺侍金根

昇平寰海度開元野客還思獻負暄
洱海長鯨終自剪湖湘餘孽爾猶存
三江鵷鶴戈船集萬騎貔貅羽檄繁
須向澠池爭奮翼雲臺早晚待公孫

少日孤生似偉元祇慚名籍玷金門
一枝本自非冥翮五石何曾是大樽
雨笠烟簑隣海市漁莊蟹舍在江邨
栖栖自笑何為者曾受蘭陽國士恩

人日限韻

夢破大槐安身如陸靜觀吟詩唯自和懷刺欲誰干宦
興同魚竹生涯問鷗冠今朝風日美瓊笈恣相看

七日是芳春幽居四五人情還同蕙蒞居不論參辰蒿
目憂王室葵心向紫宸致身誠未易曳組漫拖紳

春朝即事呈諸同好

昨宵旌節下星壇字字皆成絳雪丹賜出瓊漿猶臍味
傳來青鳥是仙翰幽期誤我梅花帳霽色迎人露掌盤
莫訝今年春氣早五雲瑞日是長安

玉宸親降羽人壇
綠簡新傳紫府丹
為語瑤臺留舊籍
好從珠樹刷凡翰
清言遣日松枝麈
淨饌行春薺菜盤
冰雪心期長自許
不教塵夢到槐安

玉皇降辰恭紀一律

五色鑾車七寶壇
紫薇遙貢寸心丹
分明天上琉璃界
來往雲中翡翠翰
玉檢金繩朝拜疏
緗黃紺實晚行盤
天恩深重真難報
不向滄波弔子安

元夕即事限韻

一厘借得廨堂東良友追歡此夜同砌竹寒生栖葉露
爐香輕浥落梅風酒人擊筑仍燕市貴客傳柑自漢宮
何似清言遲玉漏茶烟影裏蠟燈紅

誰搯春雪郢中歌天際停雲拂絳河最喜清才同庾鮑
可能屬興比羊何風從蕙轉泠泠影月似珠明灩灩波
漫向滄溟掇鱗爪夜來綃客探驪過

何處寒林夕籟鳴金波偏似故鄉明鴻歸北地書初到
鵲繞南枝夜自驚含凍花因吹笛發閣陰天為試燈晴

他年良會重追憶鷗鷺心期是夙盟

曾笑深源有誤函朝衣不擬換春衫竹宮舊重三元節
蘭籍新披五色緘夢去欲隨仙蝶舞書來還倩彩鸞銜
長安亦有幽棲地卜築何須傍石岩

正月十六夜

蕙幌風輕扇不開清宵猶得共徘徊一分乍減銀蟾影
半粟將殘碧麝煤玉局仙人欣下降桂宮侍史喜頻來
人間不少文園渴為乞金莖露一杯

碧漢寒凝玉瀝杯
神光頻下集靈臺
氣占關尹青牛過
波靜琴高赤鯉來
一葉吹葭初欲墮
片雲籠月未全開
凍蠅詩思今偏澁
隔院休教擊鉢催

早春飲曉岳寓中

詩囊棋局總荒蕪
欲問荆高舊酒壚
恰喜故人頻折簡
不須野鳥更提壺
平林雪盡餘寒淺
近郭山晴落照孤
信美何妨同一醉
風光端自故鄉無

再次前韻

竹林舊墅久榛蕪重問河間姪女壚虎子宦情清似水
鴟夷飲量大如壺鄉關縱遠春無恙親串頻來興不孤
薄俸已知營酒債春衣還肯費錢無

三次前韻

青帘翠幕映平蕪欲喚三騶共此壚令節蹉跎成柳市
舊遊彷彿憶蓬壺芳蘭味重交偏厚淥水聲高調轉孤
我自吳吟搔土思不知堪作和人無

四次前韻

春色江南滿綠蕪，犢車歸去傍黃壚。也知五字凌三謝，未必千金抵一壺。君自名流青瑣重，我應夢逐白雲孤。憑教寄訊山中客，夜鶴晨猿好在無。

五次前韻

朝騎款段踏春蕪，興盡猶沾柳外壚。小鳳銜杯池是酒，清蠡轉滴玉為壺。歌殘幸舍魚飧薄，夢冷空江雁字孤。試看疎狂如我輩，可堪重作掾曹無。

咏凡沙

雁磧春寒雪捲蓬上林消息若為通金仙法喻恒河數
黃石緘留博浪中囊去暗藏魚浦陣書來頻落楚江鴻
坐飛欲向青雲附好築新堤待相公

寄懷溧陽裴令

大坏山色碧嶙峋千里湖中錦帶尊林木舊傳金瀨景
風流今見玉山人停車柳外吹靈雨行仗花間屬暮春
遙想絃歌多暇日懸魚不厭俸錢貧

送人頒詔粵西

博望仙槎萬里途南來清海接蒼梧
蘭臺乍遣中天詔桂嶺仍通使者符
寶劒新裝看諭越錦衣故事待還吳
此行好為宣恩澤亂後瘡痍久未蘇

長安旅夜聞春雁聲

歸計偏輸旅雁先南來猶及早春天
數行向夕流清響幾點橫空帶暝烟
書札侵尋寒嶺外鄉心搖曳暮雲邊
上林何處傳消息坐聽殘更思渺然

憶江南早梅次展成韻

鄧尉峯頭萬樹梅南枝應為早春催當年臥雪人何在
此日臨風獨自開姑射神仙冰作骨玉山亭子壁為臺
長安今夜遙相憶月落參橫有夢迴

千里停雲暮色催春光應已到林梅數聲橫笛臨風弄
幾樹深山冒雪開夜擁香篝魂自冷月明翠羽夢初迴
隴頭空有花如霰不見江南驛使來

望西山雪景

春陰遠抱玉泉西雪映層巒水繞隄詩思欲隨黃竹冷

岩扉空憶白雲栖
寒凝山黛青初斂
暝入林暉綠未齊
好待朝來看爽氣
灞橋何事更留題

寄上侯筠菴夫子三首

扶風帳裏執經人
拚向滄江老釣緝
潦倒重為遊宦侶
亂離留得報恩身
鷗波幾繞天涯夢
雲海頻移別後春
寸草心長雙鬢短
此中耿耿未成塵

汴樹嵩雲縹緲懸
春來雨滴綠蘿烟
山中宰相陶弘景
洛下耆英白樂天
把盞吟詩人健在
聽松看竹思悠然

奮身便欲隨巾屢轉憶西樵立雪年

一掇瑤華眼倍明寸心已向大梁城西崑片玉多清潤
丹穴三雛盡長成靜侶松喬顏未老閒餐冰雪體還輕
南雲千里情無限目送歸鴻好寄聲

已未花朝諸名士讌集曹玉淵宅分韻賦詩予
方卧疴不至詩亦後成即此簡曹併諸子

長安亦是可憐春二月垂楊糝麴塵幾葉鶯聲晴乍轉
一川蘭色暖初勻看花客到非前度藉草情深有故人

不對杯鎗心欲醉寂寥祇是負佳辰

酒釀花濃月滿林刻殘華燭費春陰同心如結芳蘭佩
搯曲彌高綠水音信美無妨耽賞洽倦遊直自嬾招尋
詩成最後君休訝不是吳吟亦越吟

壽制臺李鄴園

千里雄藩控吳越綬幢羽葆森戈鋌一身能造萬家命
隻手獨擎半壁天南樓月色夜皎好西山霜氣秋澄鮮
無以公歸庶留此年年朋酒公堂前

題龔節孫種橘園

寒林葉葉點霜氛
小結茅亭卧白雲
不羨江陵千戶貴
新來賜爵洞庭君

嘉樹新分玉一叢
滿林霜色墜吳楓
秋來最有江東思
白露青菰客夢中

和其年清明日遊萬柳堂憶故園風景

雨織烟搓綠滿條
似回青眼向人邀
蘭辰藉草春相命
竹溜穿花晚自澆
地有平泉疏草木
心同南郭聽箏簫

荆溪不少佳風物桂樹山幽未可招

蘋波一曲柳千條寒食風光坐可邀
槐火輕烟吹夢冷梨花春雨帶愁澆
孤栖幸舍仍長缺諸道競歌又短簫
平世定容初服遂故山松桂早相招

沂州寄王宜兄

北風棲以怨辛苦獨南征遠樹如人立
寒沙似水明歲闌催短景山盡得孤城
憶爾不能見因之百感生

答朱西野見懷之作

清霜撲面雪蒙頭一錯那能鑄六州寒谷何曾回暖律
秋心最易著羈愁臨風忽憶山中客抱耒居然隱者儔
短轂輕便黃犢健歸來相逐鄆田遊

初夏言懷

名字曾經點葢宮十年蹤跡任飄蓬平臺授簡初無意
北郭吹竽總未工歸思祇憐芳草碧宦情虛擲軟塵紅
櫻桃開後醑醺落一枕江南曉夢中

一葉漁舟二頃田生涯合在水雲邊馬肝不食寧知味

猿臂難封莫問天
大漠雲寒陽鳥逝
上林春暖早鶯遷
沙鷗只是閑情性
長占溪沙自在眠

初夏山堂夕景清
竹梢藤蔓翠縈盈
酒醒孤館燈初地
雨歇空階月轉明
好夢如塵吹易散
閒情似草剗還生
無端歸計蹉跎甚
辛苦機中錦字成

羈愁兀兀類沈冥
坐對西山眼暫青
朝露幾看棲弱草
夕陽頻見下疎櫺
名同鄭璞空相賞
病有吳吟詎可聽
飛絮殘鶯惆悵絕
故人南去又揚舲

讀羅揚庭先生遺事十則各系一絕句

誰擅編摩石室中只今獨有一羅公
一生不作吾正恨千古長留布被風

藜火曾從五夜燃一時撰屨盡名賢
遺編窻下依然在想見河汾教授年

卜居只合傍濂溪索食惟應謝鎮西
何事草堂賢不到生嗔杜老太癡迷

雨花臺下舊登臨風土清淳迥自今
見說幼安遺蹟在

揮鋤當日却遺金

誰道先生素業貧
偏從涸轍起枯鱗
五侯湯沐知多少
不見當年市義人

列鼎重裯未足多
畢生風木恨如何
清涼山館尋遺事
曾此門人廢蓼莪

春浮有樹非凡種
優鉢無根是異葩
解道文人多慧業
不妨長者號蓮花

乞得麻姑藥
一九朝來玉節下
仙壇何須遠覓
三青鳥

紫府分明是大丹

綵筆由來思入神
流傳千載尚如新
休誇默識張安世
不擬紛綸井大春

身似壺丘見濕灰
倏然一去離塵埃
海山兜率無分別
風馬雲衣自往來

夏夜

暝色垂林際
棲鳥下夕陽
流光催鬢短
遲日較年長
向夕吳吟起
當風楚製涼
薄醪堪慰藉
一醉即吾鄉

送遂非南歸

來是朱炎候歸仍溽暑時也知心匪石那不髻成絲去
路歧南北羈栖感別離故山應自好莫負再來期

斜日猶林際征驂已路隅未能長繾綣且為立斯須惜
別翻成恨論交轉自孤車輪心共轉一併向前塗

索居千里外親串幾人存最是他鄉別能消獨客魂暮
雲歸遠岫暝翼渡孤村徙倚斜陽裏無聊獨掩門

本是狐生社今為斷梗蓬謀身真草草分手太匆匆往

事淒堪絕清歡孰與同
愍思有遺賦併入別離中

贈孫惟一學士

禁院清嚴曉直時
果恩花影晝遲遲
九重春色深如海
不是詞臣揔不知

紫殿重來鬢未蒼
春暉端與

聖恩長朝來縹碧
親宣賜好為先生進一觴

紅藥春妍碧樹秋
玉堂長得擅風流
誰從淮海矜豪氣
別有人間百尺樓

六月十五日作

嚼得蓬山一片冰
此心終不染炎蒸
寓形逆旅端如客
斷酒長年畧似僧
徙倚閒吟蘿逕月
跣趺靜對竹窻燈
早年計失由婚宦
布襪青鞋悔未能

隔院蒲桃引夕陰
幽棲終日有吳吟
索居只是違朋好
薄宦何曾損道心
蕉鹿功名悲老大
隙駒歲月苦侵尋
玉堂未是歸根處
蹤跡從君笑陸沈

操牘金門亦偶然
蹉跎心跡總堪憐
一經未究平陳學

五字曾無庾鮑篇
舊墅松蘿牽遠夢
小山梧竹鎖寒烟
自從輕作秦谿別
澗愧林慙又一年

寄寓庸

憔悴中年別蹉跎
大隱身閒曹堪寄
傲薄祿足忘貧雲
出仍歸岫花飛偶
拂茵較然冰雪在
終不愧松筠

寄陸話山

虞魏當年浪有聲
即今物望屬先生
千秋風雅推師匠
四海交遊借姓名
栗里早成松菊隱
東山不負薜蘿情

白沙居處原相近欲鼓蘭橈問夙盟

懸輿此日髮猶玄誰道岩居已十年通德名高冠蓋里
少微星照女牛躔解蘭昔見花成市藝玉今知璧是田
選勝秋來情不淺東湖烟月正清妍

立秋雨中分韻

疎櫺急雨一聲秋迸作階前百道流瞥爾尋聲還有相
邈然顧影總無俦行稀蘭徑清陰合夢遶松窻小篆幽
即此便為安穩法未容頭上更安頭

一編聊復遣春秋朝是三墳暮九丘師匠定從言外得
筌蹄偶向世間留妙心自合捐糟粕真諦何曾有獻酬
此意憑君須領取空中轉轂陸行舟

熱是炎天涼是秋浮漚一點是齊州強名仙佛人皆幻
任運行藏我自休暮雨連陰蟲切切寒林送響鳥啾啾
靜觀物理俱無礙逐色微聲盡妄求

雨叢風蔓一庭秋懶慢心情物外遊但覺吟情清似水
不知生計拙如鳩海枯只為填精衛石爛多因觸不周

別有成齡多不到此中何處著閑愁

涼雨連朝又及秋
跋烏南轉火西流
巾瓶自證無生話
朝市何煩大隱儔
白鳥數聲人悄悄
清都一別思悠悠
須知不見還相見
風月分明現指頭

人間幾度說陽秋
今古依然貉一丘
黃葉啼聲驚未止
白駒鞭影悵難留
竹爐石鼎堪晨夕
酒盞詩籤足勸酬
蹤跡浮沈君莫笑
蓬池亦自有虛舟

送襄雷之蓋平次曉岳韻

深柳清槐陰廣溝只今遼左是神州去時已見鳬為鳥
到日還知劍作牛元覺真空邀月冷紅螺山遠磧雲秋
豪吟意氣偏悲壯不羨人間萬里侯

秋霽喜凝祉以新詩見示

松風半榻夢迴初乍喜君來問索居詩有變聲多慷壯
人兼秋意儘蕭疎典衣也應沽村醪餽舍何由擷野蔬
冷淡心情頻不厭跼然蓬藿一逃虛

三曰秋霖一日晴纖絺偏趁午風清松坪暮靄吟青案

石瀑秋深夢赤城
梧館乍涼殘葉下
竹爐初熟暗泉鳴
坐深日夕忘歸去
相送柴門片月生

七夕分韻

蕭齋能遠俗
長日客來稀
向夕秋如水
開軒月在衣
荷香清入觀
人意憺忘歸
坐久同天籟
寥寥靜者機

送李欲仙之蘄水

南楚山川麗
君行愜勝情
簞秋歌竹冷
山曉視泉清
問俗今三戶
論詩舊百城
蘇公遺蹟在
得句好相賡

秋至難為別西山正夕曛交情憐舊雨客思悵停雲鄂
被中流擁荀香入座聞懸知聲迹好高第獨推君

祝瞻淇

白首移家託隱淪長從綺角作比鄰詩情逸似劉公幹
經術紛如井大春杖底青山朝拄頰門前秋水晚垂綸
梅花溪上書連屋誰道先生素業貧

送葉慕蘆歸黃州即用夏日閒居元韻

三載京華客相依作比鄰交情方自昔別緒又從新賜

爵徒輸粟憂時欲徙薪艱難思共濟望爾直廬頻

題既庭松風圖兼送南還

此去江東託隱淪不堪送別又蕭辰他年相訪寒山路
笑指青松是故人

寄襄五兄時宰虹邑

一為濠上客三載政初成民已如魚樂官應似水清早
騰花縣蹟新起鳳池名何日來京輦相依慰旅情

寄靜舍

南郭分攜後相思日九迴一年秋又盡十月雁初來宦
薄知吾拙詩成媿爾才何由移玉樹更向上林栽

題茂倫雪灘釣叟圖

故人蹤跡近何如擬向江干問隱居真樂宛從濠上得
子應知我我知魚

送陳子闕之黎城

故人西上悵分攜楊柳津亭綠未齊一路春山相向碧
銅鞮宮外草萋萋

送錢五表丈南歸

江南今二月正是冶遊時東嶮梅初雪新波柳欲絲我
留頻見夢君去已嫌遲到及清和後鶯殘綠滿枝

送古燈上人還樵李

吾衰才日退薄宦興蕭然似鷗還飛宋為函亦在燕人
間無樂地教外有真傳便欲同公去雙峯蘭若邊

閒雲亦何意去住揔翛然意盡便歸越興來還到燕玄
機千里秘秀句萬人傳若向天台路留題八桂邊

題畫竹

誰斫清光染竹枝
春來最易攪鄉思
江南社日鶯花候
正是家家筍蕨時

冬日寄懷退兄

汝南名士盡賢豪
聲價平輿本自高
月旦評來今更好
使君原是舊銓曹

我歌昔日吳趨曲
君話當時蜀道難
憶得蟬聯清夜話
兩心爾我不相謾

小草何心轉自哀
灌園終老楚江隈
曾聞固始穠兒美
留待於陵仲子來

重到長安悄自悲
故人不見悵何之
薄寒淺醉禁秋夜
記得西窗聽雨時

嘹唳殘鴻十月天
舊遊蹤跡尚依然
斜街宅裏銷魂別
零雨飄風又一年

烽火西川迫未銷
秋風羈宦鬢蕭蕭
不知放仗門扃後
誰與衙齋話寂寥

絨情也欲折瓊枝惆悵南鴻去較遲料我題紈相寄日
是君把盞見懷時

汝南觀察太踈顛隱几焚香卧閣前終日齋厨清似水
無心屑受一文錢

阿兄薄宦俸錢貧小弟長饑索米頻千里開絨俱絕倒
一家那有兩般人

紛紛博學與鴻詞班馬文章李杜詩縱使阿婆塗抹遍
也非三五少年時

寒月疎簾夢未成
重思往事最分明
去年此日西窗下
樺燭光中葉子聲

閉門種菜是英雄
拙宦何當老圃同
解道四時身已備
晚菰早韭滿胸中

和臣颺除夕見懷四首


殘歷侵尋是小除
臨風搔首一踟躕
空江極目魚書冷
永夜懷人蕙幌虛
薄宦三年慙素食
同心千里感離居
也應貪食神仙字
辛苦生涯老蠹魚

金臺賓客盡時名，鄒衍狂言傲大瀛。
老去自憐成小草，書來還喜掇朝英。
我如楚橘踰淮化，爾似隋珠照乘明。
何日偕遊京輦上，大官法酒細同傾。

海外徒聞更九州，黃泉碧落恨悠悠。
鳳鸞巢圯孤鷁死，兒女情多老淚流。
枯眼當春三月夢，斷腸宿草五經秋。
汝才自好應須達，不及朱軒翠幃遊。

暮年姊弟隔辰星，千里吳天眼乍停。
孟曜晨炊椎髻白，徐吾夜績壁燈青。
匏瓜似我偏長繫，蒲柳如今又早零。

不及南州高士好紅顏白髮頌黃庭



欽定四庫全書

松桂堂全集
卷十八

松桂堂全集卷十八